

Loretta Ortiz Ahlf

Ti Loretta Ortiz Ahlf ojtikinbil lek yu'un ja' yabtel ti lekuk xich' chapanel k'op, xchanoj lek vun pe mauk no'ox ta xchapanvan, ep k'ustik sna' spas, ti k'uxa sjalil yepal chanunajem abtejem ja' sk'eloj ti spojel k'usitik oy ta yok' k'obil stak' pasel ku'untik ta Poder Judicial ko'olukbal chabtelanik xchiuk krixanoetik xchiuk ti oyuk lekil tael chapanel.

Ja' abogada la xchan ta Escuela Libre de Derecho, maestra ta Derechos Humanos la xchan vun ta Universidad Iberoamericana xchiuk doctora ta Derechos Humanos xchiuk Derecho Comunitario Europeo la xchan ta Universidad Nacional de Educación a Distancia (UNED) ta España, ti yabtel la spase bats'i lek ja' yu'un ak'bat ta stojol svun *cum laude*. Te tsakal sbi ta Sistema Nacional de Investigadores. bats'i vixil j-abtel te tsakal: Ta nivel III.

Butik sna' k'usitik yan spas ja' ti spasel vun ta chanobvun, abtejem ta stojol Departamento yu'un Derecho ta Universidad Iberoamericana, te chanubtasvan jayibuk ja'vil. La to'ox yak' chanun ta Escuela Libre de Derecho, ta Universidad Panamericana, ta Instituto Matías Romero xchiuk ta yan banamil, ta Academia de Derecho Internacional de La Haya, ta Países Bajos

Ep jayib sts'ibaoj vunetik sventa xchapel smelol k'usitik chal ti yantik banamil k'usi oy ta yok sk'obtik stak' jpastik, ja' junuk li'ike *Guardia Nacional y Derechos Humanos, Derecho Internacional Público, Derechos Humanos de los Indocumentados y Régimen Interno e Internacional de los Tratados. Jech xtok, La industria eléctrica en México y el acceso a la energía eléctrica como derecho humano* y de *La protección judicial de los derechos sociales ja' sts'iba-anoj*.

Muk'ta abtelaletik spasoj ja'ik kucha'al chich' choleltal: abtej kucha'al k'uyelan stak' x-abtej ti Secretaría de Relaciones Exteriores, ti Banco de México xchiuk Consejo Nacional sventa Cultura xchiuk Artes; jech no'ox xtok abtej skoltael k'uyelan mu sta makel ta be ti Acuerdo de Cooperación Ambiental del TLCAN, jech xtok abtej xchiuk Comisión Nacional de los Derechos Humanos. Ja' diputada federal la spas ta 2012 xchiuk 2015, ko'ol abtej xchiuk Grupo Redactor ta Constitución yu'un Ciudad de México. Ta 2019 ak'bat yabtel kucha'al Consejera de la Judicatura Federal.

Ta 12 diciembre 2021 ja'o k'alal to'ox mu'yuk k'otem ta meltsanel ti muk'ta Almatal Vun ta Poder Judicial, ak'bat yabtel ta Senado kucha'al Ministra ta Suprema Corte de Justicia de la Nación. Ba'yile och ta Xchibal Sala, sventa sk'elel spasel vunetik xchiuk k'uyelan abteletik, ta noviembre 2023 och abtejuk ta Sba Sala, svanta sk'elel xchapanel buch'utik oy staojik k'op. Ta 2025 ja' ak'bat yabtel kucha'al presidenta te-o no'ox ta Sala, ja' xa no'ox stuk jech abtej kucha'al to'ox na'bil.

Ja'o k'alal la spasik ti oyuk st'ujel buch'utik ta xkomik ta abtel sbi Proceso Electoral Extraordinario 2024–2025, la yich' t'ujel sventa x-abtej kucha'al Ministra ta ach'

Suprema Corte de Justicia de la Nación. Ti Muk' yabtel ta Tribunal ja' sk'eloj ti oy lek ich'el ta muk' ti k'ustik oy ta yok k'obil stak' pasel ku'untik, ti bats'i jech oyuk lekil chapanel ta k'op, ich'el k'elel buch'utik vo'ne abolsbaik ta bajel xchiuk spojel batsi' lekil chapanel k'op ta krixanoetik xchiuk ti k'ustik stak pasel oy ta yok k'obil. Ti snopben yabtel yu'une ja' oyuk lek k'usi stak' xich' abtelanel ta ach' Poder Judicial, stsakoj lek ta muk' ti k'usitik sk'an pasel sventa skotalel ti krixanoetik xchiuk bats'i ak'ouk lek abtel chich' pasel yo'bu xchapanel k'opetik ta jlumaltik México.